

Abonnement pour un an

250 piastres

Adresse:

Idjtihad Constantinople

Téléph: St. 865

XIX^{ème} ANNÉE

1 Janvier.: 1924 — No 161

اجتهاد

فلسفی ، اجتماعی ، ادبی ، اقتصادی مجموعه

ابونمان: سنه لکی [۲۴ نسخه]

داخل ایچون ۲، خارج ایچون

۲ بقی لیرادر.

اداره خانه سی

جفال اوغلنده « اجتهاد نهوی »

تلفون: استانبول ۸۶۵

اون طقوزنجی سنه

نومرو ۱۶۱-۱ کانون ثانی ۱۹۲۴

اَكْ خُونخوار فاتح لر ، سخیف فیکرلردن داها آز
تخریب کاردر لر .

سکزنجی مبحث

اقوامک اختیارلفی

تاریخ ده علی الاوام ترقی ایتمش ملتک مثالی یوق در .
ملتک بر صفحه عظمت دن صوکره انحطاط ایدر و بعضاً
بللی بلیر سزایزدن باشقا برشی برافایارق نابود اولور لر .

*
اگر تاریخک دوره لری تکرر ایتمک لابد ایسه
بتون ملتک ماضی نک ملتک کی اختیارلامایه و نابود
اولمایه محکوم بولونا جاق در . قدیم (نینو Ninive) (Ninive)
آثار باقیه سی قوم اورتمشدر . (روما) نک شانی آرتق
بر خاطر دن باشقا برشی دکل در .

*
اقوام هلاک اولور ، اثرلر بعضاً معمر قالیر ؛ فقط
اولوم دن همان یکی بر حیات فیشقیریر . اهرام لک خالق
اولان صرق لک غبار اجسادی اوزم رنده ، اسکی مدنیت -
لرجه غیر معلوم حقیقت لر اطلاع نقطه نظرندن ، زکیکن
یکی عرق لر دوغدی .

*
بر قومک اختیارلفی تسمیه اولونان حال بیولو جیائی
اولماق دن زیاده ذهنی بر اختیارلق در .

★
حضور وسعادت ایچنده کوشه مش و جهد اجراسنه
غیر مستعد اولاراق ، فردی خودکاملنی معشری خود -
کاملنی پرینه قویدینی ، اصغری سعی ایله اعظمی استراحت
تامین ایتمک ایسته دیکی و بر مدنیتک ترقیاتک دائماً میدانه
آتدینی یکی ایجاباته اویایه غیر مستعد کوروندیکی زمان ،
بر ملتک اختیارلفی باشلار .

*
« همیشه کندیلری ایچون قولای اولدینی وقت آرتق
اقوام بویومز : (روما) آتجاق دور مبارزاتنده ترقی
ایتدی ؛ صلح وسعادت مادیه دوری ، دور انحطاطنک
ابتداسنی کوستردی .

دون ویارین

۱۵۸ نجی نسخه دن مابعد

مؤلفی : کوستا و لوبون مترجی : عبده جودت

یا کلش بر فکر کندیسنی مدافعه ایتمک ایچون
قولایجه بیکلرجه آدم بولور . دوغرو بر فکر کندیسنی
مدافعه ایتمک ایچون عمومیتله ، پک آز آدم بولور .

*
یا کلش بر فکر ساحة ادراکی استیلا ایتدکن
صوکره ، اک مقنع ، اک اثباتکار تجربه لر بو یا کلش
فکر اوزه رینه تأثیر سز قالیر .

*
جماعت Multitude لک روحنه یا کلش بر فکری
صوقاق ، درجه تخریباتی کیسه نک اولدن سویله یه مه -
یه جکی بر یانغین چیقارماق در . آلمانیا ایمپراطورلغنک
زامدارلری بونا ، بوکون ، قانع بولونماق کرک در .

*
اگر تاریخ حرب ، یالکیز دوغرو فیکرلک ایقاع
ایتدیکی حرب لری قید ایتمش اولسه یدی بو تاریخ پک
قیصه اولوردی .

یا کلش فیکرلک یدی جانلیلفی [Ténacité] وتهلکسی
حرب اورته سنده انعقاد ایدن سوسیالیست قونغرله لر یله
میدان بدهته چیقممشدر . بو قونغرله رده ناقابل اصلاح
نظریه جیلرک ، مصدر فلا کتمز اولان صلح پرورلک
وین المللک حقنده کی باطل فیکرلرینی یورولماق ، بیلمز
بر صورتده ، تکرار ایتدکری کورولور .

*
مبارزات عسکریه ختامه ایرنجه بو کون سس سز
طوران فیکرلر مجادله یه کیریشه جکدر . اقوامک استقبالی ،
یا کلش دوغرو فیکرلر آره سنده کی بوجدالک نتیجه سنه
باغلی در .